

366.

1424 Februar 19

Der Rat schlichtet einen Erbstreit.

fol. 56r ^aWisset das wir gescheidin habin frauwin Katherinan Vogelnerinne mit yrem kynde uff eynen teil, Nickel Fedirangeln und Cunrad Forbergerin von yrer beider frauwin wegin uff den andern teil umbe alle bruche, dy sy von ^bVogelern gelaszin guter keyn eyndir hatten, und nemplichen umbe inbrenge, dy Heinrich Vogeler zu frauwin in dy gut bracht, solde haben umbe das gebude, das er uff dy hofereite noch dem brande ouch gebuwit hatte, und umbe dy erwisunge, dy sy on am husze umbe lehene und gewere gethan solde haben, habin wir sy gutlichen geschiden und gericht, das sy aller rechte, dy sy on pflichtig was zu thune, ledig und losz solde sin. Und solde Forbergern und Fedirangeln von iren frauwin wegin vor alle ding geben 12 rynischze guldin sechz gulden uff sente Lorenczin tag schirst komen und sechze gulden darnoch uff sente Mertinsz tag nechst folginde unde sollen darmite aller sache gericht und geeynit sin, das sy uff beideteil der frauwen und yrem kinde in husz, hoff, acker und wiesen, das sy mit rechte vor hen behalden hat, nymmer geredin noch gesprechin sollen, ouch unschedinlich allen teidigin, der sie in der fruntschaft vormalz berichtet sint, und bekenthnisse, der sie on vorgerichte bekanth hat, dareyn redin wir nichts. Geschen am sonnabende vor kathedra Petri ym 24 jare by dem burgermeister Gerlachen und synen kumpanen etc.

a) alles durchgestrichen b) am linken Rand, Einfügestelle gekennzeichnet

367.

1424 März 11

Nickel Stiel verpfündet einen Acker.

fol. 56r ^aActum sabbato ante Invocavit anno domini MCCCCXXIII^o hat Nickel Stil Jost Paysenkeze zu willigin pfande in gesaczt eyn acker, den er kaufte widir Grande vor 10 gulden, dy er om uff dem rathusze uz hat gewonnen, das er sich des geldes an dem acker vor ydir menlichen erholen sal.

a) alles durchgestrichen

368.

1424 März 8

Konrad Tumpeling verkauft ererbte Güter.

fol. 56v ^aFrancz Gerlach, burgermeister, Phillip Siverstorff, void czu Crymiczschaw, Johannes Horleman, Dytherich von Tuchern, voit czu Czwigkaw, Berlt von